



REPUBLIKA E KOSOVËS / REPUBLIKA KOSOVA

K.DH.SH.II.nr.954/23

GJYKATA KOMERCIALE E KOSOVËS - Dhoma e Shkalles se Dytë, me gjyqtarin Ramush Bardiqi, ne çështjen juridike përmbarimore të kreditorit "Lux" SHPK me seli ne Lipjan rr. Hajredin Bajrami pn. me NUI 81712093 te cilin sipas autorizimit e përfaqëson N.T. avokat, ndaj debitorit "Doni Product" SHPK me selinë Ferizaj i cili sipas autorizimit përfaqësohet nga SCLR Partnesr shpk me seli ne Prishtine, bazë juridike përmbarimore, duke vendosur lidhur me ankesën e kreditorit, e paraqitur kundër aktvendimit të Gjykatës Komerciale te Kosovës, Dhomat e Shkalles se parë, KPPP.nr.1368/22 të datës 22.05.2023, me datën 28.08.2023, mori këtë:

A K T V E N D I M

REFUZOHEȚ e pabazuar ankesa e kreditorit "Lux" SHPK me seli ne Lipjan rr. Hajredin Bajrami pn. me NUI 81712093, ndërsa aktvendimi i Gjykatës Komerciale te Kosovës, Dhomat e Shkalles se parë, KPPP.nr. 1368/22 të datës 22.05.2023, **VËRTETOHEȚ**.

A r s y e t i m

Gjykata Komerciale te Kosovës, Dhomat e Shkalles se parë, me aktvendimin e ankimuar, e ka pranuar si te bazuar prapësimin e debitorit, dhe ka shfuqizuar urdhrin përmbarimor Pnr.844/2021 të datës 30.06.2021, i lëshuar nga Përmbaruesi Privat.

Kundër këtij aktvendimi, ka paraqitur ankesë kreditori, për shkak të vërtetimit te gabuar dhe jo te plotë te gjendjes faktike, me propozim që gjykata e shkalles se dytë ta aprovoj këtë ankesë si te bazuar, aktvendimin e ankimuar te anullohet, dhe te refuzohet prapësimi i debitorit.

Dhoma e Shkalles se Dytë e Gjykatës Komerciale, i shqyrtoi shkresat e lëndës, aktvendimin e atakuar, pretendimet ankimore dhe pas vlerësimit të tyre në kuptim të dispozitës së nenit 208 të Ligjit për Procedurën Kontestimore (LPK) e lidhur me nenin 17 të Ligjit për Procedurën Përmbarimore (LPP), gjeti se:

-Ankesa është e pabazuar.

Nga shkresat e lëndës rrjedh se kreditori, ka paraqitur propozim për përbërim ndaj debitorit, në baze te faturave te listuara ne aktvendimin e ankimuar dhe propozimin për Urdhër përbërimor. Përbëruarësi Privat, duke vepruar sipas propozimit te kreditorit, me urdhrin përbërimor Pnr.844/2021 të datës 30.06.2021, i ka lejuar përbërimin, me të cilën detyrohet debitori që kreditorit në emër te borxhit qe rrjedh nga faturat t'i paguaj shumën 36,757.78€, si dhe shpenzimet procedurës përbërimore.

Kundër urdhrit përbërimor debitori ka paraqitur prapësim debitori me pretendimin qe te aprovohet prapësimi dhe te shfuqizohet urdhri përbërimor.

Gjkata Komercale te Kosovës, Dhomat e Shkalles se parë, me aktvendimin e ankimuar, e ka pranuar si te bazuar prapësimin e debitorit, duke vendosur decidivisht si në dispozitiv të aktvendimit të atakuar. Në arsyetim të aktvendimit të atakuar ka theksuar se ne shkresat e lendet nuk ka dëshmi se faturat mbi bazën e se cilave është lejuar përbërimi nuk janë pranuar nga debitorit, te njëjtat fatura nuk janë nënshkruar nga personi-subjekti ne emër dhe mbiemër dhe si te tilla nuk përbejnë bazë për përbërim, ndërsa kreditori nuk ka mundur ti argumentoj pretendimet e tij me asnje provë me te cilin se faturat i janë dorëzuar debitorit.

Nisur nga kjo gjendje e çështjes, Gjkata Komercale – Dhomë e shkalles se dytë, vlerëson se gjykata e shkallës së parë i ka zbatuar drejtë dispozitat e Ligjit të Procedurës Përbërimore kur e ka aprovuar prapësimin e debitorit, ngase edhe sipas vlerësimit të kësaj gjykate me shikimin në shkresat e lëndës qartë konstatohet se përbërimi është lejuar në bazë të faturës se lëshuar nga kreditori, e cila fature nuk kanë qenë e nënshkruar nga pranuesi i faturës, e që në këtë rast nuk mund të konsiderohet si dokument i besueshëm. Neni 29 par.1 nënpar.1.1 përcakton se: “*1. Përbërimi me qëllim të realizimit të kërkesës në të holla caktohet edhe në bazë të dokumentit të besueshëm. Dokument i besueshëm, sipas këtij ligji është: 1.1 kambialet dhe çeqet me potest dhe faturë kthyese, po që se janë të nevojshme për themelimin e kërkesës*”. Në këtë rast e rendësishme është që të vërtetohet se a është pranuar fatura nga ana e debitorit, pra e njëjta a është nënshkruar sepse kjo nënkuption se debitori i ka pranuar detyrimet e tij që i ka ndaj kreditorit.

Gjkata e shkalles se dytë, vlerëson se gjykata e shkallës së parë në bazë të provave të cilat i ka pasur në dispozicion në shkresat e lëndës, ka dhënë aktvendim ne pajtim me dispozitat ligjore, prandaj përfundimin juridik të gjykatës së shkallës së parë, lidhur me këtë çështje e pranon edhe gjykata e shkallës e dytë, me çka mbi bazën e këtyre rrëthanave dhe fakteve kësaj gjykatë i rezultoi se aktvendimi i ankimuar i nxjerrë nga gjykata e shkallës së parë është i drejtë dhe i bazuar. Gjkata e shkalles e dytë bazuar ne Udhëzimin administrativ Nr.15/2010 Për Zbatimin E Ligjit Nr. 03/L-222 Mbi Administratën Tatimore Dhe Procedurat, i cili ne nenin 20 par.1 nenpar.1.17 parashev qe “*Në minimum, një faturë duhet të jetë e nënshkruar nga shitësi, nëse klienti apo blerësi është dispozicion për të nënshkruar, ai person duhet po ashtu të nënshkruajë faturën tatimore*”, andaj, faturat si dokumente ne sajë te cilave kreditori kërkon përbushjen e detyrimit nga debitori, nuk

ka prova se janë pranuar nga debitori, te njëjta nuk janë te vulosura e as nënshkruar nga debitori ne mënyrë qe te konsiderohen si dokumente te besueshme, ndërsa vlerëson se me te drejt gjykata e shkalles se parë ka vlerësuar se kreditori ne rastin konkret nuk ka ofruar prova juridikisht te vlefshme ne mbështetje te pretendimeve te tij.

Përndryshe në procedurën përmbarimore bëhet realizimi direkt i mbrojtjes juridike të konstatuar në dokumentin përmbarimor i cili përmban aktin juridik me të cilin vërtetohet ekzistimi i kërkesës dhe se nga ky dokument rrjedh e drejta e organit përmbarues që sipas propozimit të kreditorit të caktoj dhe zbatoj përmbarimin.

Kompetenca e Dhomës se Shkalles se Dytë për të vendosur nga ana e gjyqtarit individual bazohet në dispozitën e nenit 3 paragrafi 2 të LPP-së, me të cilën është paraparë se në shkallën e dytë vendimet i nxjerr gjyqtari individual.

Nga të gjitha arsyet e paraqitura e në pajtim me dispozitat e nenit 208 dhe 209 paragrafi 1 pika (b) të LPK lidhur me nenin 17 të LPP, u vendos si në dispozitiv të këtij aktvendimi.

GJYKATA KOMERCIALE E KOSOVËS,
Dhoma e Shkalles se Dytë
K.DH.SH.II nr.954/23, me datë 28.08.2023

Gjyqtari,
Ramush Bardiqi